



UNIVERSITÄTS-
BIBLIOTHEK
PADERBORN

Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

XVII. Etjam brutae animantes imaginem Deiparae virginis Lindensis
venerantur.

urn:nbn:de:hbz:466:1-11544

Deiparæque actis, nullâ amplius ductoris ope, ad currum, inde verò domum, incolumis se recepit.

CAPUT XVII.

Etiam bruta animantes Imaginem Deiparæ Lindensis venerantur.

SI fortè aperti, ut vidimus, nobilis viri oculi, ad aper-
riendos aliorum, præsertim in vicino positorum
oculos, & cognoscendam, colendamque DEI, per
Matrem suam mira operantis, potentiam atque ma-
jestatem, non satis attulerunt, momenti; attulerunt
profectò sub illud ipsum tempus, tum oculi bellua-
rum magis, quàm hominum, aperti; tum cernui co-
ram Effigie Deiparæ, earundem belluarum poplites.
Quemadmodum enim nobilis ille vir, ita brevissi-
mo, ut ego quidem conjicio, intervallo temporis in-
terjecto, pastores quidam suo cum grege, ad eundem
locum fortuitò delati, ab ipso grege suo, quem Dei-
paræ ejusque Imagini præstare cultum & veneratio-
nem tenerentur, abundè didicerunt. Pastoribus
enim gregem hinc inde ponè sequentibus, postea-
quam pecora, carpendis intenta pascuis, ad Tiliam
propius accessère, sive aliquâ radiantis adhuc Ima-
ginis luce perstricti fuerint oculi; sive præcordia, lu-
periore aliquâ vi atque instinctu permota, subito in
genua provolvuntur; & quâ possunt, pollentque vo-
ce, DEI, DEIPARÆ, locique ipsius religiosam pro-
cumbendo majestatem profitentur. Nimirum suo
quodam modo impleri hîc oportuit illud Isaïæ (a)
*Cognovit bos possessorem suum, & asinus præsepe Domini
sui: nisi fortè quis, aut Jesum neget Dominum; aut
Virgi-*

(a) cap. I. 3.

Virginis Deiparæ uterum posthabeat præsepi. Neque verò insolens est, etiam brutas animantes Dei majestatem, flexis quoque poplitibus venerari, cum & hominibus, nullo fortasse alio, nisi solius naturæ, genio ductæ, debitam sæpe contestentur gratitudinem. Leo, ut refert in Prato spiritali Sophronius, ob exemptam sibi à S. Gerasimo spinam, sedulò per totam vitam eidem sancto viro servivit; & morientis morte suâ, præ mæroris acerbitate, parentavit. Simile, & aliquanto etiam notius est, quod de Androdi Leone refert ex Appione Gellius (a) Neque minus admirandum est, quod, aut de educato & in solitudine delato, à Thoante Arcade, Diacono memorat ex Democrito Lilius Giraldus libro de Ingratis, aut ex Demetrio Physico de Panthera; aut de Aspide, ex Philarcho. Quæ, si lubet, apud Cornelium, ad citatum Isaiæ locum, pluribus exposita spectari possunt. Nobis, ad rem præsentem quiddam affine, tum ex Lipsio de Diva Aspricollensi, tum ex Atlantis Mariani Idea præter jam adducta, afferre lubet. *Statua B. Virginis in Brugeriis, inquit in Atlante Petrus Possinus, prope Tolosam in agro jacuit. Hanc boves in terra proni adorârunt; quasi ejus eëtypon esse intelligerent, quam olim boves venerati sunt in stabulo. At verò Lipsius (b) aiunt, inquit, ante centum annos (& constans ita fama habet) fuisse pastorem, qui oves in eo tractu pasceret: atque is repertam, ne scio quo casu, humi Imaginem sustulit, in sinu condidit, certus eam domum secum auferre. Parva enim erat, & privato cultui videbatur opportuna. Sed dum ager at, ecce membra eius omnia stupere; pedes utique non mo-*

(a) lib. 5. cap. 14. (b) cap. 3.

vere, & quasi frutex aut stipes ibi stare. Ipse mirari & animo quoque stupere, nec ad causam assurgere; herus autem villicus absens, requirere pastorem suum, & gregem; nam hora iam reditui lapsa, & sole remoto nox propinquabat. Itaque infortunii anxius eò accurrit: & reperit defixum stantem, & quæ gesta, simpliciter narrantem. At ille mentis melior, Imaginem statim recipit, & timidâ religione, in veteri sua sede & Quercu reponit. Eoque facto, pastor velut vinculis liberatur: & venerati uterq; Nomen, domum abeunt, rem denarrant, & viciniam totam religionis implent. Melior aliquanto conditio excepit nostros Pastores, stupore quidem animi, non tamen corporis defixos: non secus atque illos, qui B. V. in monte Serrato Imaginem conspexerunt ac venerati sunt primi. De quibus in Mariani Atlantis Idea (a) hunc in modum scribitur. Quæ in Monte Serrato, toto celebris orbe est Imago B. V. fulgore insolito & cantu Angelico septem pastoribus, & quidem pueris indicata est. Vnde ex ore infantium per socii sibi hanc laudem voluit, stabuli memor, Mater DEI Non ergo poterant illi nostri, qui pecora sua illis in pascuis, ad singularem Numinis utique venerationem ita procubuisse humi cernebant, ad tantam rei novitatem: non commoveri vehementer, atque obstupescere. Mox tamen, ubi ad sese aliquantum sunt reversi, Tiliam versùs, quam pecus venerandum undique cinxerat, progrediuntur; & visâ Deiparæ, super Tiliam mirum in modum coruscante, Imagine, ipsi quoque tum gaudii tum venerationis pleni, quæ in se, quæque in grege suo, oculis animisque usurpârunt, cum cæteris mortalibus, tum civi-

vita-

(a) pag. 92.

vitati potissimum Rastenburgensi. cuius intra fines
Tilia Arbor & fundus Lindensis jam tum quoque
erat, non sine magna Numinis & Deiparæ laude,
evulgant.

C A P U T XVIII.

*Imago DEIPARÆ iterum atque iterum deportata Rastenburgum, semper
ad fundum Lindensem, & suam in Tilia sedem remigrat.*

Q UOD posteriore ævo apud Sichemium, in Aspricollensi Diva evenisse retulit citatus proximè Lipsius; multò ante apud Lindam Marianam constat evenisse. Nescio enim, quomodo pleraque, quæ apud alia D. Virgini sacra loca, Deus mira operari dignatus est, quasi aggesta & liberaliter accumulata (ut antea quoque (a) intelligi facillè potuit) Lindæ Marianæ esse voluit. Igitur sicut Aspricollensis Diva Imago, quamvis loco mota, locum deserere noluit, quod & alibi quoque non rarò evenisse, proximè ad divimus (b) ita apud Lindam, loco quoque mota, majore miraculo, locum semper repetiit. Pastorum enim nuntio, & fortasse plurimorum aliorum famæ commotis in Prussia mortalibus, universos quidem Imaginem Deiparæ, ad Lindam repertæ, coram videndi, Ressellentes verò atque Rastenburgenses etiam jam habendi cupido incessit. Utrique ejusdem Divæ celeos (sicut & nunc quoque sunt) jam tum erant; illi tamen jure vicinitatis, quemadmodum hi jure municipii, pro obrinenda causa decertabant. Nam tum Ressellentes, aliquot fere passuum millibus Lindam sunt viciniore, ita Rastenburgenses propinquitatem loci

(a) cap. 5. & 16. (b) cap. 16.